



**UPUTSTVO O NAČINU REGISTRACIJE ZA PROGRAM
TRANZICIJE I ZBRINJAVANJA OTPUŠTENOG PERSONALA
“ P E R S P E K T I V A ”**

Ministarstvo odbrane Bosne i Hercegovine razvija i implementira **Program tranzicije i zbrinjavanja otpuštenog personala MO i OS BiH „ P e r s p e k t i v a ”**, sa ciljem pomoći u zbrinjavanju personala MO i OS BiH kojem će prestati vojna služba po osnovu godina starosti ili neispunjavanja uslova iz člana 101. i 173. stav a), c) i d) Zakona o službi u OS BiH (“Sl.glasnik BiH”, broj: 88/05), odnosno po osnovu prekobrojnosti usljed reorganizacije OS i MO BiH ili donošenjem odluke o reformi odbrane, nakon isteka roka raspolaganja u skladu sa članom 145. Zakona o službi u OS BiH. Pravo na pomoć u okviru Programa „Perspektiva” mogu ostvariti lica koja ispunjavaju uslove iz člana 3. Pravilnika o tranziciji i zbrinjavanju.

Da biste ostvarili pravo na pomoć u okviru Programa „Perspektiva” dužni ste popuniti obrazac **LZ-1 - Zahtjev za uključivanje u Program tranzicije i zbrinjavanja** i dostaviti ga, zajedno sa kopijom rješenja ili obavijesti o otpustu, službenim putem - preko nadležne komande, u MO BiH – Odsjek za tranziciju personala, što je prije moguće, a najkasnije trideset dana od dana dobijanja rješenja ili obavijesti o otpustu (prijemni štambilj vojne jedinice ili pisarnice MO BiH će biti dokaz o datumu i vremenu prijema obrasca).

Zahtjev LZ-1, koji služi za Vašu registraciju za Program "Perspektiva", dužni ste popuniti što preciznije, a informacije na obrascu će poslužiti za identificiranje oblika pomoći koji najbolje odgovaraju Vašoj biografiji, sposobnostima, obrazovanju i iskustvu.

Prijava za pomoć u okviru Programa „Perspektiva” je dobrovoljna. Zahtjev LZ-1 podnosi se isključivo putem nadležne vojne jedinice (organizacione jedinice MO) u kojoj je lice (bilo) na službi, u tri istovjetna primjerka, od kojih jedan primjerak zadržava nadležna vojna/organizaciona jedinica, drugi se daje otpuštenom licu, a treći primjerak se službenim putem dostavlja Odsjeku za tranziciju personala MO BiH.

Postupak tranzicije i zbrinjavanja traje najduže 3 godine od dana uključenja u Program. Otpuštenom licu iz člana 3. Pravilnika o tranziciji i zbrinjavanju dostupna su **oba obavezna** i samo **jedan odabirni** projekat zbrinjavanja.

Ukoliko otpušteno lice iz bilo kojih razloga ne iskoristi pravo registracije za Program tranzicije i zbrinjavanja u utvrđenom roku ili ne želi učestvovati u radu tranzicijske radionice i provoditi druge obavezne radnje definirane Pravilnikom ili ne poštuje odredbe sklopljenog pojedinačnog ugovora o korištenju projekata pomoći, gubi pravo na korištenje svih projekata pomoći definiranih Pravilnikom o tranziciji i zbrinjavanju.

Registracioni obrazac LZ-1 sastoji se od četiri odjeljka:

- Odjeljak A: Datum i osnov otpuštanja**
- Odjeljak B: Lični podaci**
- Odjeljak C: Socijalna i ekonomska situacija podnosioca zahtjeva**
- Odjeljak D: Stručna sprema i profesionalna kvalifikacija**

Pažljivo odgovorite na sva pitanja, birajući odgovor koji najbolje odslikava Vašu trenutnu situaciju i jasno označite znakom "X" kućicu uz odgovore “Da” ili “Ne”, a na pitanja koja zahtijevaju pisani odgovor, odgovorite pišući štampanim slovima.